



UNIVERSITÄTS-
BIBLIOTHEK
PADERBORN

Universitätsbibliothek Paderborn

Compendivm Summæ Card. Toleti

Minucius, Genesisius

Sammieli, 1613

De irregularitate ex defensione, ratihabitione, & omiſſione cap. 86. 87. &
88.

urn:nbn:de:hbz:466:1-41701

*De Irregularitate ex defensione,
ratihabitione, & omissione
Cap. 86. 87. & 88.*

Contrahitur etiam ratione
homicidii voluntarii & ca-
sualis irregularitas ex de-
fensione, & aliquando quidem ex
defectu, interdum vero ex delicto,
vt de mandante, & cōsiliū præ-
bente est dictum. Ex defensione
sunt irregulares ministri iustitiæ,
vt Fiscalis, Aduocatus, Notarius,
Testes, qui litteras scribunt, offi-
ciales, accusatores, qui si opem fe-
rant in homicidio iusto, erunt ir-
regulares ex defectu, si in iniusto,
ex delicto. Licet tamen ex priuile-
gio personis ecclesiasticis quere-
lam apud iudices deponere pro
sibi, rerumque suarum defensio-
ne contra malefactores, etiam
in pœna mortis imponenda, dum-
modo ante protestentur se non

intendere vindictam, vel sanguinis pœnam, & verè non intendant, nam si verbis tantum protestentur, & animo sanguinis vindictam cupiant, erunt irregulares, inquit Toletus. Irregularitatem pariter contrahunt, qui iustitiæ zelo ad comburendum hæreticum lignum ferunt, si ad mortem cooperentur, similiter & qui campana signum indicant occisionis, qui verbis, & signis manifestant latrocinem ut capiatur. Item socii eorum qui occidunt iniuste, etiam si manibus nil cooperati fuerint, modo tamen eos comitentur ut animosiores reddant ad eadem. Per rati habitationem autem non contrahitur irregularitas. Ex omissione verò, qui non tenentur liberare aliquem à morte, nec peccant nec contrahunt Irregularitatem si omittant, secus verò quando omisso liberationis à morte habet vim consensus, & auxilii

nam qui tunc liberare omittit est irregularis. Idem dicendum si sit talis omissio contra iustitiam, ut in Medico, qui stipendio ad medicandum agrum ducitur, & medicamentum non prebet morienti. Si verò sit tantum contra charitatem, etiam si homicidium imputetur ad peccatum, non contrahitur irregularitas, ut si divites pauperibus pereuntibus non subueniant: Unde, & qui novit aliquem alicui mortem parare, si non revelat, quamvis verè occidentem sciat, non incurrit irregularitatem.

De Dispensatione irregularitatis ex homicidio. Cap. 89.

Irregularitas ex homicidio voluntario, non est de iure divino, sed humano: tollitur verò omnis per baptismum, & Papa in ea dispensat ad ordines, & benefi-